



Rector Academiae Ienensis, Johannes Gerhardus S. Theol. D. Et Reliqui
Professores L. S. P. : Jesule, noster amor, quae te clem entia coelo
Demisit ... P. P. in festo t#n genethli#n Kyriak#n Anno 1636.

Ienae

Gerhard, Johann

Phil 2° 00268/04 (143a)

https://dhb.thulb.uni-jena.de/receive/ufb_cbu_00007422

urn:nbn:de:urmel-c37140e2-9580-493c-8575-50b711baf3dd9-00006787-11

Lizenz: <https://creativecommons.org/licenses/by-sa/4.0/>



RECTOR ACADEMIÆ JENENSIS,
IOHANNES GERHARDUS
 S. THEOL. D. ET RELIQUI
 PROFESSORES
 L. S. P.



ESULE; noster amor, quæ te clementia cælo
 Demisit, nostri teneros ut corporis artus
 Indueres, factus nostro de sanguine sanguis,
 Et nostrâ de carne caro? dulcissime JESU!

JESULE, noster amor, Patris cœlestis imago,
 Lucifer ante diem, Sobolesq; æquæva Parenti,
 Nunc quoq; verus homo es calx de virgine matre
 Lucis in has oras natus; dulcissime JESU!

JESULE, noster amor, cælo demissus ab alto
 Natus es in terris, ut nos super astra levatos
 Divinæ faceres Naturæ ac conditionis
 Confortes. Quanta hæc bonitas, dulcissime JESU!

JESULE, noster amor, pauperula mœnia Bethles
 Haudquaquam veritus, stabuli sub paupere tecto
 Natus es, ut Regis nos omnipotentis in aula
 Ditaires. Quanta hæc bonitas, dulcissime JESU!

JESULE, noster amor, tenebrorû tempore noctis,
 Obscuro caulæ sub tegmine, luminis auram
 Haussisti primum, quò nos in luce locares
 Ætherea. Quanta hæc bonitas, dulcissime JESU!

JESULE, noster amor, glacialis tempore brumæ
 Natus es, ac promtè poluisti membra tenella
 In præsepe gelu rigidum, quò nostra foveret
 Corda calor. Quanta hæc bonitas, dulcissime JESU!

JESULE, noster amor, vili projectus in alga,
 Inter oves, capras, pecudes, jumenta, bovesq;



Natus es, Angelicæ sic nos sociare cohorti
 Ut posses. Quanta hæc bonitas, dulcissime JESU!

JESULE, noster amor, lacrymis, vagitibus omne
 Complèsti stabulum, nostras ut tergere posses
 Lacrymulas, nobisq; dares bona gaudia vitæ
 Perpetuæ. Quanta hæc bonitas, dulcissime JESU!

JESULE, noster amor, vilissima spargana corpus
 Involvère tuum, tenues fovère tenellum
 Fasciolæ, nobis ut vestimenta decoris
 Aptares. Quanta hæc bonitas, dulcissime JESU!

JESULE, noster amor, laudes tibi Concio sacra,
 JESULE, noster amor, Plalmos Ecclesia tota
 JESULE, noster amor, grates tibi pectora nostra
 Pro tanta bonitate canunt, dulcissime JESU!

Vos, quibus in studiis operari dia voluptas,
 Hæc memori & grata nobiscum expendite mente,
 Nec verbis tantum, sed vitâ, ac moribus ipsis,
 Peccatiq; fugâ Christo persolvite grates.
 Absit luxuries, gula, nocturniq; boatus,
 Absit amarities, fera jurgia, vulnera, cædes,
 Absit spurcities vitæ, sermonis & oris:
 Sobrietas cum iustitia & pietate jugetur.
 Hac quoq; luce sacrâ Christi date dona Ministris:
 Das Christo, Christi tribues quodcunq; Ministro:
 Munera, quæ Christo dantur, sunt fœnora larga.

P. P. in fests Jân yveðlan Kyrkan 1783

TIPIIS STEINMANNIANIS.

urn:nbn:de:urmel-c37140e2-9580-49
 3c-8575-50b711baf3dd9-00006787-21